

諸佛要集經

古籍

書上

百七十五  
莫八

48535

2/2000



元祿九年丙子二月日重脩

皇圖瑛圖 帝潛綴昌

佛日增輝 懋輪常轉

山城州天安寺法金剛院置





諸佛要集經卷上

西晉三藏竺法護譯

莫

聞如是一時佛遊摩竭國柰叢樹間於其  
 卿土北有山名曰因沙舊晉言帝與大  
 比丘眾俱比丘五千菩薩二萬皆不退轉不  
 起法忍身口意定撻攝三世獨步三界開化  
 眾生應病與藥各令得所文殊師利彌勒善  
 薩等復有諸天八萬四千悉志佛道爾時四  
 部弟子各往詣佛雖欲聽經不能專精猷所  
 講法各各忿忿多所務求追逐五濁以為事  
 業佛心念言眾人患猷所宣道教不肯復來  
 咨受法言不見如來不聞正法不入心耳心



不思惟不能修立佛自念言吾欲示現如像  
燕處不自現形到他方佛土與諸佛俱宣講  
諸佛之要集佛復觀之諸佛世尊會於何方  
輒覩東方去是八萬四千億諸佛世界國名  
普光佛号天王如來至真等正覺現在說法  
諸佛會彼佛告阿難如來當入因沙舊室燕  
坐三月諸天龍神阿湏倫迦留羅眞陀羅摩睺  
勒人與非人若有來者解喻其意勿令入室  
阿難白佛大聖垂恩有尊巍巍神妙諸天其  
威洞徹身形微妙心意叵見往來周旋不能  
將護難旣弱劣無神足力離大德鎧神變所  
爲不及目連大目連者如來咨嗟神足第一



飛到十方無所罣礙獨可委付護於後事佛  
告阿難勿有此言如來至真不須人護今佛  
觀察天上世間諸魔梵天沙門梵志諸天人  
民及阿湏倫無能作威動移如來無上至真  
之所建立也汝且默然如來在衆能自將護  
不須衛者又若阿難若有比丘比丘尼清信  
士清信女諸天龍神阿湏倫迦留羅真陀羅  
摩睺勒人若非人來到尔所如來至真而在  
燕坐汝當爲說如是道教法難可遇了義亦  
難人身難得經道希有如來興世劫數時出  
能信如來所宣經法出家爲道見善師友能  
從啓受精進愛樂亦復難遭若復蒙覩明經

比丘講清淨法此不可得心好於施若遭衆  
枯受於供養受能淨畢是亦難遇假使孝順  
反復報恩又勤學問遵持經戒死死不毀是  
亦難值若復有人愍哀衆生而發無上正真  
道意適發心已尋能奉順隨佛之教究竟菩  
薩是則最難矣佛告阿難如來燕坐四部之  
衆諸天龍神阿湏倫等人與非人來到尔所  
欲聽經法當爲宣傳如是法教  
佛復語阿難汝承佛教爲宣如斯如來至真  
無數方便隨時化人棄捐非法迷惑邪見汝  
等承命修正真教阿難於彼何謂邪見謂禮  
他人妖僞之術敬於諸天奉事鬼神枯骨朽



木山樹江河泉流石神天地日月東西南北  
北斗社君螭鳥獸麋鹿蛟龍承事若干殊  
異魍魎是謂邪見復次阿難計受吾我著人  
壽命斷滅計常是謂邪見舉要言之當復爲  
汝說彼邪見若族姓子及族姓女自起妄想  
欲得聲聞緣覺之乘若欲得佛當取滅度是  
一悉邪見復次阿難如來至真在於燕處當爲  
解說如斯法要汝等學人當慕法義樂於法  
樂以法爲上念修清淨好於篤信多所歡悅  
慙愧恭恪戰戰恐畏在於三界不疑解脫慈  
悲喜護行四等心所經歷處常能應時忍辱  
和雅謙遜下意但歸於義不取嚴飾唯歸於

慧不取識著唯歸妙經不取綺辭唯歸正法  
不取於人教令遵修深妙法忍所言解度謂  
三脫門勤奉空行不計吾我修於無相棄捐  
希望遵行無願消除所誓當為衆生說十二  
因緣一切諸法從因緣起設無因緣則無所起  
亦無所滅當審諦觀十二緣起察其根原而  
奉行之彼若不諦觀十二緣而致此難當云  
何觀阿難當知十二牽連悉無所生無所生  
者不起法忍若不生念是為審諦觀十二緣  
當復分別賢聖正行為衆說法何謂聖諦所  
行誠信其聖諦者若以心聽計於聖諦無誠  
無欺無誠欺者以是之故名曰聖諦真諦之



義是謂誠信而無所生其真諦者實為真正  
為離欲諦為信脫諦無言辭諦無所行諦不  
造業諦無所有諦無應不應無舉無下諦  
則為一諦無有罪諦不滅度諦則無為諦假  
使阿難解一切法不起不滅悉無所任無異  
衆生是謂賢聖諦以故如來說如此法賢明  
弟子行於無為欲曉了慧令苦不起至無所  
生是謂苦諦若遭腦患在於苦痛不習諸行  
斷於因緣因緣已斷是曰棄於習諦矣若  
能永滅盡一切苦長無所生是謂盡諦何謂  
道諦若修道誼不為二業善不善法入一品  
明求如是路是則名曰為三脫門諸過去佛

及與弟子由是道路至無所至而取滅度是  
爲名曰八賢聖路一曰正見二曰正念三曰  
正言四曰正業五曰正治六曰正方便七曰正  
意八曰正定以此護意因說平等性以平等  
則於諸法不懷望想此乃名曰還入徑路又  
復阿難說法若是汝等精勤歸四意止爲諸

衆會班宣解說三十七品道行之法使立法  
教何謂於彼三十七品若任順義悉達自然  
假文字耳若等文字如來以此建立諸法  
是諸文字亦自然空不生不壞若有說者不  
說亦等不增不減所以文字以等故等假使  
阿難比丘等知文字是道品法所任順義又



復阿難如來在燕若有天龍鬼神捷沓愁人  
非人來當為講說三世平等何謂為三過去  
以滅當來不現現在無住墮在顛倒是亦本  
淨一切諸法亦復悉空無有三世亦無所住  
過去已空當來亦空現在亦空亦如空空無  
空亦空知三世空人空亦如是三世空名曰  
平等入於一義無有若干若為說法能除  
三界乃為安耳何謂能除三界若有比丘  
應時思惟而觀察之欲界色界無色界者心  
相所生其思想者亦無所有其無所有了三  
界以無想不想無進無殆無所建立亦不  
誓願不思不念皆捨心念得三脫門懇懃

專精而修明證奉三脫門空無相願何謂三  
脫得至明證不捨平等暢於諸法無作不作  
知一切法皆當歸盡不入於禪意不墮落不  
計有一亦無若干是三脫門而得明證又復  
阿難當爲說法使去五陰何謂爲五色痛想  
行識是爲五陰若受此者則爲盛陰不受無  
陰假使修行處於閑居當作此觀如來常說  
色如聚沫痛痒如泡想如野馬行如芭蕉心  
識如幻佛光踰日慧日虛空親自說言教告  
修行者當此觀如來所講可入義者吾不解  
了不即啓解欲界如聚沫是亦空耳色界亦  
無無色無處不著三界其不猗者則無處所



聚沫無我無人壽命以是之故一切諸法無人衆生悉如聚沫水泡野馬芭蕉識如幻化其幻亦空不著三界若遊諸法不著三界無有處所則無所倚其幻化者不復處當我人壽命其了實者亦無我人壽命之本其觀五陰如是無處則無五陰又復阿難當復說法分別消除內外六入具分別之何謂內外六入如來常說其吾我空所以者何悉本淨故眼耳鼻口身意亦空本淨無身假使本淨空無諸入則無色聲香味細滑法處設無眼耳鼻口身意無因緣識無內六入何謂外六入於一切法悉無所受亦無所捨從思想生

外諸六入不習諸入則無處所佛語阿難如  
來燕坐若有人來當爲解說如是法義佛建  
威神顯其變化若有應器當應度者悉聞此  
法其餘衆人都不見聞覩佛默然口無所說  
講是法時五千比丘漏盡意解四萬二千天  
子遠塵離垢諸法眼淨三百比丘尼得阿  
羅漢七千衆人得離愛欲

爾時世尊敎阿難已復告阿難汝詣石室當  
爲如來布其座席唯用芻草如來坐上三月  
燕處阿難白佛當施牀榻布令細軟用芻草  
爲佛告阿難且止且止諸過去佛如來至真  
等正覺皆用芻草以爲坐席不以柔軟文飾



重坐爲佳快也。修順道法，乃爲大安。阿難受教，即從坐起，捨於聚會，出外求草。應時無數，百千億天，各取柔軟天上好草，著阿難前。阿難即取持詣石室，爲佛敷設芻草之座。敷設適竟，應時無數百千億天人，各取天衣敷著草上。所敷衣具其數甚多，設著天下不能悉

受佛之威神，變所敷衣高四寸耳。佛從座起，入於石室，無量伎樂不鼓自鳴，天雨衆華，大千世界積至于膝。佛適燕坐三昧，正受化其石室，皆如水精。三千世界諸有衆生，德本純淑，悉見如來坐於石室，猶如明鏡見其面像。佛演右掌，百千億光，其光普照三千大千世

界日月之光悉爲覆蔽當尔之時一切衆生  
除姪怒癡不懷自大貢高嫉妬亦無勞倦鬪  
訟之患慈心相向如父母兄弟如子如身等  
無有異世尊三昧其行永定無住無業自然  
如空行無望想三千大千世界六反震動應  
時佛土見佛威神神力變化二萬二千天子  
皆發無上正真道意各取天華散於石室以  
供養佛遶室三匝忽然不現天所散華悉覆  
山間化爲佛寺其香普周三千世界莫不聞  
香佛便變身詣於天主如來至真等正覺所  
至普光世界尔時十方江河沙等刹土諸佛  
因五濁世衆生難化故皆現詣天王佛所亦



如能仁如來至真彼土若斯姪怒癡盛自大  
憍慢反逆不孝諭諂邪念志僞不等所以者  
何本土衆生不往見佛不肯啓受既有所聞  
不聽不入不思奉行以故諸佛善權方便而  
坐燕室更化變形詣普光世界天王佛所講  
說分別諸佛要集何謂諸佛要集諸佛世尊  
所戴衆行以備無所復進最後究竟愛愍衆  
生故名諸佛要集經典之義如來至真滅度  
之後當爲衆生發去覆蓋諸佛大聖則是法  
王德過須彌智超江海道越虛空不可爲喻  
用一切愚懈怠放逸不順法教復受經法鄙  
等何故懈怠廢迷荒纏綿蔭蓋不免三趣諸佛

世尊見此義故合要集法于時於彼普光世  
界不可計會無數諸佛悉共集會其土何故  
而謂普光彼土純真無有聲聞緣覺之名皆  
諸菩薩充滿備悉其土菩薩各各自有金色  
光明相好嚴身光曜普照靡不通遍故謂普  
光何謂諸佛要集則如真諦遵崇諸法何謂  
諸法何謂爲崇何謂爲遵一切諸法悉爲一  
法此諸法者亦無有法亦無非法亦不可說  
所以者何其無法者則無所生亦無所起而  
爲說法不久長存以假言耳內有六入外亦  
六入五陰諸種及與諸入是謂一切所有以  
假言耳分別章句一切諸法如真諦觀則無



五陰四種諸入無有斷滅亦無有常無有堅  
固是故言曰諸法無言一切諸法本淨則空  
無有其名其命所說亦無所有一切諸法及  
與名号皆亦自然悉無所有是諸佛要集何  
謂爲崇謂崇澹泊悉無所生崇於無欲崇於  
真諦崇於無本而崇法界崇於本際諸法悉  
空崇此真諦一切諸法皆無所住無所習行  
無行不行威儀禮節不取當來無我無所諸所  
受業則無君主亦無被服不可見覩爲究竟  
盡故不可盡假有文辭其無盡者則無所生  
其爲本淨謂志澹泊亦無所生捨離所生及  
無所生已所崇者無聲無寂無能墮落亦無

退者除諸勸助則無有底亦不無底不起無  
生講宣平等亦無想念無近無遠亦無足迹  
故謂爲崇是所崇者謂入法城一切諸法假  
有号耳無來無往無得無不得無有將往亦  
無還及不正不邪不聞不見無念無知不恐  
不懼無愛無處無寂不寂不鹿不細不長不

短不中不彼不來不截不得因緣不安不危  
恙不曉了亦無所行無所興廢亦無蠲除不  
令發起不養不眠不思不想不達不念無有  
限節所念無量無守無護無所呼來不度彼  
岸不有處不無處不斷滅不計常不失不得  
無去來今無慧無不慧不衆不寡無音無言亦



無所入。無恐。無字。亦不入。文不動。不搖。不遠。  
不近。無禮。無不禮。不希名。稱亦無。吾我無人。  
壽命不戒。不犯。不忍。不諍。不進。不殆。不何所。  
不無所。非不清。非無清。非空。非無空。不身不。  
無身。不講名。号等如虛空。無卑。無不卑。不教。  
化。不願。不離。不作。無不作。以無殃。豐亦不。  
除罪。無想。無不想。不動。不捨施。亦不授之初。  
不與之。不調。不寂。不滅。不等。不使灰盡。不塵。  
不離塵。不墮。不落。不染。無不染。不忘。不念。亦。  
不愁。亦不憂。感無思。無不思。無應。無不應。無。  
雙。無隻。不遊。不在。不此際。不彼岸。不彼。不此。  
不臨岸。不陸地。無底。無中。不往度。無能度者。

不動迹不志願不退轉不合會不斷不壞不  
還合不相比不著不脫不取無不取不虛空  
無不空光明無底不愛壽命無人無教常當  
講說捨諸處所是入法城其不入者著菩薩  
字說無著法不見住處斯謂爲崇是佛要集  
何謂爲遵諸法常住住於法界其能奉行如  
是法者是謂爲遵何謂爲法所名法者不念  
於法無所除毀不懷希望無不望設無所望  
亦無想報若不想報則除一切望想不造多  
不爲少不起不斷不念過去不想當來不住  
現在如是行者等於三世則無言說不用住  
故而致衆生是謂爲法是故如來演此言教



佛與不興相住如故法界亦然法界住者法  
界寂然以何等故名曰爲法致寂然者以純  
淑喻因此故曰諸法寂然何謂無純計是我  
所自謂有身因緣諸見名色思想處所言辭  
識知依倚所謂名号心思稱量觀察本末意  
所思惟受諸五陰四大諸入我當勸助開化  
三界以當棄捐姪怒癡名奉修道教證三脫  
門致於道迹往來不還至羅漢道吾當思念  
修四意止四意斷四神足根力覺意至於八  
道三十七品照明四事滅盡塵勞是爲聲聞  
名曰不溥於彼何謂爲寂然者行菩薩乘發  
大心言我當成佛務求道慧於此所行我當

布施捨于慳貪施以法財淨其禁戒斷於衆  
鼓謹慎守行建立忍辱刈其瞋恚爲柔輒行  
當修精進除懈怠垢遵修勤仍處於閑居修  
於正受教化爲師逮得一心從三昧起念般  
若波羅蜜奉行其義智度無極開化衆生以  
求佛道一切諸佛由般若波羅蜜生逮成佛  
道降伏衆魔則轉法輪度脫人民以佛無爲  
而令滅度究竟佛慧學諸佛事宜揚如來十  
力之業佛十八法諸力根本四無所畏分別  
辯才多所暢達菩薩所說建立應念出入進  
退是爲處所一切望想諸所受取敢可施行  
無有此法是謂純淑寂然之無其寂然者斯



謂爲法。是則名曰諸佛要集。佛言復次。所信  
諸佛要集。則是初發菩薩心者。言教之謂何。  
謂初發菩薩心者。謂無從生。所以者何。於一  
切心而無有心。其無心者。則無所生。無所生  
者。是初發心。因得逮致。無所從生。法忍又初  
發意。菩薩心者。堅固其志於此。菩薩當發其  
心。猶若金剛。何謂發心如金剛者。菩薩發心  
有十事。行爲若金剛。何謂爲十。一曰遊於無  
量生死之難。二曰一切所有施無所吝。三曰  
常有等心加於衆生。四曰我皆當度一切衆  
生。以佛滅度而滅度之。五曰度衆生已。亦無  
有人至滅度者。解一切法無所生。故六曰分

別曉了。一切諸法。七曰常加精進。無所遺漏。  
八曰其慧普入。靡所不達。九曰具一切智。了  
入一門。十曰諸所愛重。無有增減。不以貪惜。  
斷諸所著。是爲菩薩發心十事。心如金剛。是  
佛要集。佛言。菩薩復有發心。皆於三界不起。  
衆想不起。無想。又佛要集。謂當奉行六度。無  
極。何謂爲六。有俗檀。波羅蜜沒於世俗。不應  
度世。亦有度世檀。波羅蜜不墮於俗。持戒忍  
辱。精進一心。般若波羅蜜亦復如是。或有行  
俗般若。波羅蜜不應度世。或有行度世般若。  
波羅蜜。不墮於俗。何謂爲俗檀。波羅蜜不應  
度世。於是菩薩廣有所施。供給沙門外。與梵。



志貧窮乞匄不安已者飢者與食渴者與漿  
車乘象馬牀卧衣被金銀珍寶妻子男女國  
邑墟聚外諸所有若干種物無所愛惜悉能  
慧捨作是施以計於吾我猗其所施今我所  
出供養彼人受之我為施主無所貪惜以從  
佛教行檀波羅蜜今所施者以及施心願及  
一切衆生之類逮此勸助今我所施當使衆  
生永得安隱作是施者有三著礙何謂為三  
一計吾我二計他人三計望想施是為俗檀波  
羅蜜不應度世何者介乎纏綿在俗不得度  
故何謂度世檀波羅蜜不墮於俗能淨三品  
何謂為三一於是菩薩若布施時不得吾我

二不見受者而有所取三有所施未曾望想  
而求還報也是謂爲三有菩薩施以用勸  
助一切衆生若施衆生不見受者而有所  
取則用勸助於無上正真之道彼不察見  
所取食法是則名曰度世檀波羅蜜所以  
者何得度世故何謂在俗謂五盛陰之所  
復蓋能捨此五則曰度世其無吾我無所  
想念心無所倚悉無所著是曰度世若已  
受戒謂他毀禁不應法行若復開化若干  
弟子因我得度我當成佛救濟衆生自計  
有身不解本無是俗尸波羅蜜不應度世雖  
已持戒不計吾我不見他人毀法亂禁悉等



濟之不捨生死不猗無爲雖度衆生悉了本  
無忍辱精進一心智慧亦復如是無所著者  
則應度世有所著者則墮於俗又諸世間書  
疏術呪章句筭計五經六藝王者典籍神仙  
之業所學智慧而有希望是爲墮俗般若波  
羅蜜若於俗間有所希望不以爲慧曉空無  
相不願之法平等三世無去來今等於三塗  
解法身一不在生死不住滅度開化一切普  
無所住是爲度世般若波羅蜜是佛要集說  
是語時天王佛國七那術菩薩悉建得無所從  
生法忍三千大千世界六反震動天雨衆華  
其大光明普照十方

又佛要集者謂菩薩地所入之處何謂爲地  
所去入者於一切法悉無所入諸法無來亦  
無有去一切諸法亦無所失不念道地亦無  
所想修治其地不見處所何謂修治其地菩  
薩修學第一任者有十事法何謂爲十一曰  
清和其性二曰愍哀哀諸有形三曰等心欲  
濟衆生四曰好喜布施救諸窮乏五曰親近  
善友諮啓不違六曰習求經典開化所疑七  
曰數念捨家不慕居業八曰志求佛身達之  
無形九曰開闡法施以示不及十曰蠲除自  
大常奉誠信是爲初發意菩薩所行十法又  
菩薩行二任常當慇懃奉行八法何謂八一



曰奉誠清淨而無沾汙二曰常修孝順念報  
恩德三曰得任勢力忍辱為本四曰遵修恭  
恪常懷悅豫五曰不捨一切衆生之類六曰  
行無極哀未曾忘捨七曰奉敬師長視如世  
尊八曰精進務求諸度無極是為八法菩薩  
行三任有五法何謂為五一曰求於博聞而  
不厭足二曰開闡顯施離衣食法三曰所興  
德本勸助佛土四曰患厭無量生死之難五  
曰任於著恥常懷慙愧是為五法菩薩行四  
任復有十法何謂為十一曰習在閑居志常  
寂靜二曰知其限節心在止足三曰棄捐調  
戲譌藝四曰常順禁戒未曾毀犯五曰厭五

所欲處調和地六日而發其心永至成就七  
日一切所有皆能惠施心無所著八日其心  
常勇不懷怯弱九日一切所有無所愛惜十  
日所習德本以施衆生是爲十法菩薩學五  
住復有十法何謂爲十一日捨於家業二日  
遠比丘居三日棄捐種姓慳嫉之念四日離  
於憤鬧衆會之儻五日而釋瞋恚鬪訟之本  
六日不自歎身不毀他人七日除於十惡憍  
慢之意八日常列四倒不順之教九日翦於  
貪婬瞋恚愚癡十日去於罣礙望想之著是  
爲十法菩薩學六住者當具六法諸度無極  
不習六事何謂爲六一日其心靖然不求聲



聞二曰其心明了不慕緣覺三曰其心不捨  
一切衆生四曰見乞求者不懷怯弱五曰朱  
曾修行愁感之法六曰不慕高處綺飾之座  
是爲六法菩薩學七住捨二十事何謂二十  
一不計身二不計人三不計壽四不計命五  
不計斷六不計常七不望想八不計報應見  
九不見名與色十不猗於五陰十一不貪於四  
大十二不依於衰入十三不著於三界十四  
而惡不親近十五永安無所著十六於無界  
無所作十七常不著佛乃至究竟十八未曾  
順從六十二見十九悉解諸法不誹謗空二  
十曰悉知本無不希望道以行此法具二十

事何謂二十曉了空行明於無想分別無願  
淨修三場常懷愍哀慈於衆生不計衆生等  
觀諸法明解正門無所從生法忍無起聖慧  
宣一品義蠲除衆念去諸望想捨諸邪見滅  
塵勞穢寂然觀地其心調和志不懷害不染  
結著是爲二十第八菩薩當行四法何謂爲  
四一曰心入衆生以神通慧而開化之二見  
佛土空所觀覩者令逮究竟三誓首佛身次  
受不及四旣見佛身觀如審諦是爲四復有  
四法一具足曉了衆生根本隨其所好而爲  
示之二嚴淨佛土慇懃精學如幻三昧三從  
其衆生好喜應脫而濟度之四察於衆生所



生五趣逐而解之是爲四第九菩薩當分別  
學善願之本從其所誓輒得成就識別諸天  
龍鬼神捷杳愁阿湏倫迦留羅真陀羅摩休  
勒人與非人所說言辭則以辯才隨其音響  
而爲說法從在胎中悉曉了知及生墮地種  
姓眷屬在豕出家坐佛樹下莊嚴道場一切  
功勳具足佛法靡不周悉第十菩薩則當名  
之如來至真若入此任處其地者乃謂諸佛  
之道地也号佛要集又佛要集等於文字  
所說亦等入於文字所說室門何謂文字  
所說室門一切諸法悉爲室門以何謂室  
門令當來法無所生故諸法欲門除所著故

其度門者宣暢諸法究竟本末其行門者一切諸法無放無捨不沒不生其名門者一切諸法以離号字其名本淨無逮無失其輕門者悉度諸法輕慢之戒及恩愛根報應因緣之所由生其慎門者宣揚諸法調定降伏其縛門者解一切法令興寂漠其焚門者燒除諸法令其清淨其六門者於一切法無有罣礙無著無脫其趣門者斷除諸法所歸音響不捨無本其如門者曉了無本不進不動其隨門者從一切法而發起之其處門者於一切法亦無所處不懷憂感其作門者不見諸法所造種性其等門者於一切法奉修平等



而不退轉其垢門者計於諸法以離垢穢本  
末無並其受門者攝取諸法而不可得志於  
深妙於六事入及一切法意得永寂其岸門  
者一切諸法令度彼岸不見彼此度與未度  
其生門者不得諸法生老病死其思門者一  
切諸法悉爲寂靜不念不捨無著不著其法  
門者法界常住則以隨時興顯諸經其寂門  
者一切諸法皆在澹泊靖漠之地而無患難  
其虛門者一切諸法皆如虛空無本末無住其  
盡門者諸法悉盡而不退轉悉亦永滅其任  
門者諸法無動無能搖者其慧門者因從其  
慧無所習行悉無能知亦無不知無思無見

其斯門者一切諸法無應不應亦無合散曠  
其言辭其闡門者雖遊諸法蠲除諸戶其蓋  
門者於一切法去諸覆蓋使如空無棄捐六  
事其念門者而於諸法消化所生不念不忘  
其已門者諸法皆由因空而起恐懼緣生衆  
苦其去門者於一切諸法捨離斷滅有常之  
計其數門者悉於諸法不舉所生諸所有數  
無高無下其立門者一切法任任無所任除  
諸所處其無門者雖在諸法無來無去不立  
不坐不遊不寐無應不應其具門者存於諸  
法具足無六無度不度無所周遍由如虛空  
其陰門者皆於諸法解知五陰起無所起其



響門者解一切法無有音聲所謂無響音永離  
文辭其差門者了於諸法雖處放逸而無馳  
騁其固門者知於諸法解散堅強永令滅度  
其消門者悉達諸法了其邊際而無處所無  
有終退亦無有生猶如世尊計於文字無能  
堪任倍加於言辭亦無所有亦復無名文字  
無言亦不談語不執所向無書無讀所以者  
何虛無實故諸法如是由此而有是入搃持  
計於無者暢入於空其能入此近菩薩行於  
諸文字解無瘡病不為文字之所繫著分別  
諸法所由次第逮得聖慧音聲所由假使菩  
薩入此文字室印門迹若聞若受執念懷抱

為他人說心不墮落則能蠲除二十眾結一  
其志強而不怯弱二意念常存不為恍惚三  
能獨步無所忌難四其心堅強不懷羸劣五  
志在著恥慙愧不違六意能覺了靡不通達  
七智慧巍巍莫不蒙曜八辯才之辭無一滯  
礙九致摠持所聞悉持未曾忘失十除諸疑  
網無有猶豫十一通達不懷沉吟十二所在  
遊居在於眾人不懷增減十三言辭柔和無  
不瞿首十四若聞麁言不以憂感十五性不  
乍暴而常安詳十六所任明了分別音響十  
七了五陰品四大諸入報應因緣十八剖判  
諸法靡不通達曉了諸法知人心念而為說



法十九。知處非處。限與無限。曉了智慧。明解  
善權。隨時開化。二十。識別進退。出入之事。威  
儀禮節。解了羞恥。執堅牢劔。所可遊入。興發  
無上。正真之道。說是文字。室印之門。若聞若  
受。奉持諷誦。適得聞之。致十功勳。一。世世所  
生。不受女人。身二。棄捐衆難。八。不閑處。三。所  
在遊居。常得閑暇。不懷忿忿。四。常值佛。世適  
見世尊。彼生悅豫。五。其心亘然。供養大聖。六。  
如來見心。爲說經典。七。聞其所說。輒則奉行。  
八。尋便逮得。立不退轉。九。曉了空慧。逮無從  
生。十。疾成無上。正真之道。是佛要集。  
又問。何謂宣佛要集者。等於三。世嚴淨。三。場。

逮無所生了真諦法解了三界暢姪怒癡自  
然無樂無斷無常無處無任其三乘者歸于  
一門通達諸法而無所爭入無等倫無行無  
步無相無比又計佛者未曾覺成逮最正覺  
不決諸法不知不得佛不逮慧亦不無慧不  
舍塵勞亦無瞋恨亦不取證不得不尋亦無  
所行不任平等佛不得道亦無所失無法無  
衆佛不得佛不想菩薩不解不縛一切衆生  
大甚清淨佛不見法不聞不念亦無所教尊  
無所說亦無言辭解諸佛者乃知無言初不  
演音於當來世亦無所宣不教人說無慧不  
慧佛非衆祐亦非淨畢衆祐之德佛不飲食



不施人食。佛無有身。亦無形體。莫觀如來。有  
色身也。無相。無好。無有。經典及與法界。佛不  
出現。亦不常存。未曾滅度。亦無所滅。所以者  
何。一切諸法。永滅度。故佛不獨立。不處大衆。  
無能見佛。亦無聞者。無有供養。計諸佛法。無  
有若干。亦復非一佛。不得道。不求處。所不轉  
法輪。亦不退還。佛如假号。計如佛者。音聲亦  
如過去。當來。音響。無異。去來平等。其平等者  
則無偏儻。其無偏儻。彼無無量。其無無量。彼  
無終亡。其無終亡。不行醫藥。是佛要集。所以  
宣傳佛所講者。欲以愍傷度衆生。故佛無要  
集。亦不分別。亦不講論。要集之義。天王如來。

講說於此。諸佛要集經。典義時。普光世界。萬  
二千菩薩。皆悉建得無所從。生法忍時。諸菩  
薩都不自見。若干億佛。但覩一佛。天王如來。  
於是文殊師利。任忍世界。心自念言。今日十  
方各江河沙等諸佛。世尊悉來集會。東方佛  
土。天王佛所。普共班宣佛要集法。吾寧可往。  
詣彼世界。奉見諸佛。忞受經典。吾常周行至  
於十方。稽首諸佛。聽所說法。於今悉集會一  
佛土。是時難值。希未曾有。如是。比像無上聖  
士。顯出於世。不可再遇。難可見聞。文殊師利  
報彌勒菩薩曰。可共俱往。詣天王佛。普光刹  
土。無央數佛。百千億載。悉會于彼。俱共班宣。



佛要集法當共聽受并見諸佛所以者何諸  
佛出世尊皆會一處難可值遇弥勒菩薩答文  
殊師利曰仁者欲往便可進路吾不行也所  
以者何諸佛會者道德巍巍不可攀喻身不  
能見亦不堪任覩形聞音又文殊師利以  
色像觀諸如來佛者法身法身叵見無聞無  
養文殊師利問曰卿不供養於如來乎弥勒  
答曰吾不供養所以者何如來至真不可供  
養太無如來則無二故文殊師利又謂所言  
無二爲何謂乎弥勒答曰其無二者謂無所  
著不可稱載無有若干所言無二不造二業  
何謂二業言此塵勞是懷瞋恨與如是輩生

滅之見此爲奉戒是爲毀禁妄想彼此斯謂  
爲二此爲聲聞是爲緣覺斯平等覺妄想如  
是則爲造二斯爲聲聞爲緣覺爲佛懷如是  
想則曰爲二當除此法奉行其法證明其法此  
爲二分別其慧其不解慧假使文殊念持二  
慧志在進退上至計佛則造二業我於一劫  
若復過劫講說諸二所演辯才而無窮極所  
以者何計諸二者而無有二敢可班宣皆入  
一義一切諸法皆無若干文殊師利荅曰鄉  
身今者墮大顛倒一切諸法悉無所生強爲  
分別若干種辭反咨嗟身我於一劫若復過  
劫辯才無窮盡弥勒荅曰因其文字言有所



考察一切法實無所生相不可動時文殊師  
利謂餘菩薩諸族姓子俱共往至天王佛所  
見諸如來聽受所說辯積菩薩報文殊師利  
曰如來至真不可得見何因仁者而發此教  
當共徂往見如來乎如來何在而欲見耶曾  
聞佛說如來至真無去來今計三世法皆悉  
空無故不可見向者文殊師利有此教言往  
見如來以何等眼觀如來乎肉眼見耶爲用  
天眼若以肉眼肉眼無見所以者何肉眼空  
故空無所見若以天眼計於天眼無有想念  
不以想念可見如來文殊師利告曰如族姓  
子今者所念無有如來亦無經典無見無養

如辯積意所趣去言寧可講說分別言辭諸  
佛如來衆生往來供養奉事悉假文字字字自  
然空以故平等此之謂也如來無言無本無  
轉悉自然空謂此二事悉平等矣如來無言  
無本無轉其堪任者可共俱進不肯者已吾  
當獨往

無形而現形 亦不任於色 欲以開化衆  
現身而有教 佛者無色會 亦不著有為  
皆度一切數 導師故現身

諸佛要集經卷上

心志 七紅反 速也 燕處 上於見反 正 匡 正我反 鎧 苦



與 亥二 蛇 蟻 二同 莫朗 反地 麋鹿 上音眉 蛟 音交

恪 苦各反 誼 音義 善 殆 待音 坐 席 正合 作席 也 莒

草 俱反 牀 榻 上床字 塔 細 濡 作軟 正 著 反直 藥 澹 泊

上音 淡下音 薄又作 憺 殃 疊 反罪 也 刈 割也 反

怕 上音 徒敢 反下 疋白 反 殃 疊 反罪 也 刈 割也 反

劬 音力 乞 白 下音 墟 反 魚 闡 昌演 反 沾 汚 故反 烏

濁也 恭 恪 各下 反口 蓋 音 蝥 著 上二 非同 音 修 馳 騁 下田 領 反 自

前 剪 芘 正 作 玳 疾 無 鞅 下 央 語 也 與 亘 然 上 古 鄧 反

城 岸 朝 嚙 上 陟 交 反 言 詞 一 詭 也 與 亘 然 上 古 鄧 反

前 剪 芘 正 作 玳 疾 無 鞅 下 央 語 也 與 亘 然 上 古 鄧 反

前 剪 芘 正 作 玳 疾 無 鞅 下 央 語 也 與 亘 然 上 古 鄧 反

前 剪 芘 正 作 玳 疾 無 鞅 下 央 語 也 與 亘 然 上 古 鄧 反

